



Inatsisartuni ilaasortaq

Sofia Geisler, Inuit Ataqaigiit

Brevdato: 04-07-2019

Sagsnr.: 2019 - 15327

Akt-id: 11097941

Betonit igitat pillugit § 37 naapertorlugu apeqquteqaammut akissut.

Asasara Sofia Geisler,

Postboks 1614

3900 Nuuk

Tlf. (+299) 34 50 00

Fax (+299) 34 54 10

E-mail: pan@nanoq.gl

www.naalakkersuisut.gl

Inatsisartut suleriaasianni § 37 naapertorlugu betonit igitat pillugit Naalakkersuisunut apeqquteqarputit. Apeqqutitit uannut akisassanngorlugit innersuunneqarput.

1. Naalakkersuisut ilisimatitsissutigisinnaavaat beton-i igitassaq manna tikillugu sumut inginneqartarnersoq / inissinneqartarnersoq?

Akissut: Naalakkersuisut nalunaarsuiffimmik, betonit igitat ullumikkumut sumut inissinneqarsimanerinek takutitsiviusumik peqanngillat. Ulluinnarni igitassalerineq kommuninit isumagineqarpoq. Inissianik isaterinermi betoniinnaviit eqqarneqartut amerlanertigut eqqaavissuarnut inissinneqartarput.

2. Naalakkersuisut ilisimatitsissutigisinnaavaat beton-i inginneqartoq inunnut pinngortitamullu qanoq sunniuteqartarnersoq?

Akissut: Betoniinnaviit inginneqartut sumiiffimmut naleqquttumut inissinneqarsimasut atoqqinneqartulluunniit inunnut avatangiisinulluunniit ulorianartorsiortitsisutut naliliiffigineqanngillat. Kisiannili betoni akuutissanik avatangiisinut ulorianaatilinnik mingutsinneqarsimappat, inunnut avatangiisinullu kingunerisassanut akuutissaq avatangiisinut ulorianaatilik, betonimut mingutsitsisimasoq apeqqutaassaaq, betonip mingutsinneqasimasup igitap qanoq passunneqarnera apeqqutaassalluni. Assersuutigalugu PCB kg-mut 50 mg-it sinnerlugit akoqarpat, betoni eqqagassatut ulorianaatilittut inginneqassaaq, aammalu eqqagassalerivimmut, eqqakkanik ulorianaatilinnik piuneerutitsinissamut atatillugu avatangiisit pillugit akuerisaasumut nassiunneqassalluni.

3. Apeqqut 2-mut akissut naamiuppat: Sunniutaasut paasinissaannut Naalakkersuisut qanoq pilersaaruteqarpat?

Akissut: Apeqqut 2-mut akissut takuuk.

4. Naalackersuisut ilisimatitsissutigisinnaavaat betonip iginneqartup inunnut avatangiisinullu akornutaasussaa junnaarnera qulakkeerniarlugu aaqqiissutissamik nassaarniarnissamut qanoq pilersaaruteqarnerlutik?

Akissut: Naalackersuisut eqqagassalerinermut pilersaarut nutaaq inaarsarpaat. Naalackersuisut eqqagassalerinermut pilersaarutip nutaap atulerneratigut ilaatigut aningaasaqarnerup kaaviiarnerata mingutsitsinnginnerusumillu suliaqalernerup annerusitinnissaa kissaatigaat.

Inussiarnersumik inuulluaqqusillunga



Kim Kielsen

INUIT ATAQATIGIIT

Inatsisartuni



25. juni 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Naalakkersuisut ilisimatitsissutigisinnaavaat beton-i igitassaq manna tikillugu sumut inginneqartarnersoq / inissinneqartarnersoq?**
- 2. Naalakkersuisut ilisimatitsissutigisinnaavaat beton-i inginneqartoq inunnut pinngortitamullu qanoq sunniuteqartarnersoq?**
- 3. Apeqquq 2-mut akissut naamiuppat: Sunniutaasut paasinissaannut Naalakkersuisut qanoq pilersaaruteqarpat?**
- 4. Naalakkersuisut ilisimatitsissutigisinnaavaat betonip inginneqartup inunnut avatangiisinullu akornutaasussaajunnaarnera qulakkeerniarlugu aaqqiissutissamik nassaarniarnissamut qanoq pilersaaruteqarnerlutik?**

(Inatsisartuni ilaasortaq Sofia Geisler, Inuit Ataqatigiit)

Tunngavilersuut:

Illuliortitsineq inunnut avatangiisinullu innarliinnginnerpaaq anguniarlugu siunissamut isigaluni anguniagaqarnissaq Nunani Avannarlerni annertusiartuinnartumik ukkatarineqarpoq. Tassunga tunngatillugu eqqartorneqartunut ilaavoq betonip illuliortitsinermi atorneqartup ingitassanngortup qanoq passunneqartarnera avatangiisinullu sunniuteqartarnera. Ingitassanngortunut tunngatillugu qulaani apeqquqit nassiunneqarput.

Kissaatigivara apeqquqtikka ullut suliffiusut qulit qaangiutinnginneranni akineqarnissaat.